

ՍՈՎԵՏԱԿԱՆ ԺՈՂՈՎՐԴԻ ՀԱՅՐԵՆԱԿԱՆ ՄԵԾ ՊԱՏԵՐԱԶՄԸ

Պատմ. գիտ. դոկտոր Ա. Ն. ՄՆԱՅԱԿԱՆՅԱՆ

Հոկտեմբերյան սոցիալիստական մեծ հեղափոխության հաղթանակով ծնված սովետական պետությունը մոտ երկու տասնյակ տարի հնարավորություն էր ունեցել զրադվել խաղաղ պետական և տնտեսական շինարարությանը, երկրի ժողովուրդների կյանքում կատարելով արմատական սոցիալ-հաղափական վերափոխումներ, կառուցել սոցիալիստական ինդուստրիա ու համայնական գյուղատնտեսություն, ստեղծել ճեղով ազգային, բովանդակությանը սոցիալիստական նոր մշակույթ, կազմակերպել և կոփել բանակ ու նավատորմ: Սակայն սովետական պետությունը, նրա պաշտպանության համար կազմակերպված զինված ուժերը դեռևս երիտասարդ էին:

Համաշխարհային իմպերիալիզմի սուսովել ունեցի՞ն և ագրեսիվ ուժը՝ հիտլերյան ֆաշիզմը, Եվրոպայի կենտրոնում ստեղծելով բացահայտ տեռորիստական, ռասիստական-շովինիստական դիկտատուրա, նպատակ էր դրել նվաճել ամբողջ աշխարհը և հաստատել ֆաշիզմի համաշխարհային տիրապետություն: Հիտլերյան նացիոնալ-սոցիալիստական կուսակցության պարագլուխները և գերմանական վերմախտի ռազմագետները հասկանում էին, որ իրենց ագրեսիվ ծրագրերի իրականացման հանապարհի գլխավոր արգելքը Սովետական Միությունն է: Ուստի ֆաշիստական ագրեսորները ծրագրել էին սղնչացնել սովետական պետությունը, նրա բանակը, մեր կոմունիստական կուսակցությունը: Սակայն ֆաշիստական ագրեսորներն սկզբից եւր հանդրգնեցին հարձակվել սովետական երկրի վրա: Գերմանա-ֆաշիստական զավթիչները նախ օկուպացրին Չեխոսլովակիան ու Ավստրիան, հետո՝ Լեհաստանը, Նորվեգիան, Բելգիան, Հոլանդիան, Դանիան, պարտության մատնեցին ֆրանսիական բանակը, գրավեցին Բալկանյան երկրները: Հիտլերյան Գերմանիան, որ սուաշ էլ հակակոմիտենական պակտով համագործակցում էր Ճապոնիայի և Իտալիայի ունեցի՞ն կառավարությունների հետ, կազմեց պատերազմական բլոկ, որի մեջ միավորվեցին ֆաշիստական Գերմանիան, Իտալիան, Ֆինլանդիայի, Հունգարիայի և Ռումինիայի ունեցի՞ն կառավարությունները: Ֆաշիստական զավթիչների այդ բլոկին օգնում էին նաև Ճապոնիան, սրն սպառնում էր հեռավորարևելյան սովետական սահմանին և Թուրքիան, որի կառավարությունը 1941 թ. հունիսի 18-ին Հիտլերի հետ կնքեց բարեկամության և փոխադարձ օգնության դաշինք, 26 դիվիզիա կենտրոնացնելով Սովետական Միության հարավային սահմանների մոտ:

Ֆաշիստական Գերմանիայի զինված ուժերի կազմում 1941 թ. հունիսին հաշվվում էր 7,3 միլիոն զինվոր ու սպա, որից 5 միլիոն 500 հազարը նետվեց Սովետական Միության վրա, մինչդեռ սովետական զինված ուժերի կազմում կար 4,2 միլիոն մարդ, ըստ որում մեր բանակը տեղադրված էր ամբողջ երկրում՝ Հեռավոր Արևելքից մինչև երկրի արևմտյան սահմանները, հարավի լեռ-

ներից մինչև հյուսիսային ծովերը: Պատերազմի առաջին իսկ օրերին սովետական երկրի վրա հարձակվեցին հիտլերյան Գերմանիայի և նրա դաշնակիցների 4950 մարտական ինֆանտրիո, 2800 տանկ, 48 հազար հրանոթ և ականանետ, որոնց դեմ սովետական բանակը ուներ 1540 ինֆանտրիո, 1800 տանկ և 34695 հրանոթ ու ականանետ¹: Սովետական պետության արևմտյան սահմանների վրա զրոհեցին հակառակորդի 190 դիվիզիա: Այդպիսի հզոր զինված ուժ կապիտալիստական երկրները չէին ստեղծել իրենց ամբողջ պատմության ընթացքում: Այդ ահավոր, սև ուժերը համախմբեց գերմանական ֆաշիզմը, հպատակ ունենալով տապալել միակ սոցիալիստական պետությունը՝ Սովետական Միությունը, ցրել նրա մեջ մտնող սովետական ազգային հանրապետությունները, նրանց ժողովուրդներին կամ ոչնչացնել կամ զրկել իրենց ազգային պետականությունից և հորտացնել:

Ֆաշիստական զավթիչների կողմից Սովետական Միությանը պարտադրված պատերազմը իր բնույթով ամենից առաջ ԳԱՍԱԿԱՐԳԱՅԻՆ պատերազմ էր, զինված ընդհարում մի կողմից սովետական սոցիալիստական և մյուս կողմից՝ իմպերիալիստական պետությունների միջև, նրանց հասարակական ու պետական կարգերի միջև: Սովետական ժողովրդի Հայրենական մեծ պատերազմը նպատակ ուներ պաշտպանել Հոկտեմբերյան հեղափոխության նվաճումները, սոցիալիստական հասարակական և պետական կարգերը, պաշտպանել սովետական հայրենիքի անկախությունը և ազատությունը, պաշտպանել սոցիալիստական իդեալները, ինչպես նաև իրականացնել ազատագրական միսիա այն երկրների ու ժողովուրդների նկատմամբ, որոնք հեծում էին ֆաշիստական լծի տակ: Այստեղից էլ բխում էր Սովետական Միության Հայրենական մեծ պատերազմի ԱՐԳԱՐԱՑԻ, ԱԶԱՏԱԳՐԱԿԱՆ բնույթը, նրա հաղթանակի պատմական նշանակությունը քե՛ս մեր երկրի ժողովուրդների և քե՛ս ամբողջ մարդկության համար: Պատերազմի փորձը ցույց տվեց սովետական հասարակական և պետական կարգերի գերսպանցությունն ու կենսունակությունը, նրանց անհաղթելի ուժը:

Պատերազմի սկզբում սովետական բանակի համար ստեղծված անբարենպաստ պայմանների հետևանքով հակառակորդին հաջողվեց օկուպացնել Եսկայական տերիտորիա, որտեղ պատերազմից առաջ ապրում էր սովետական երկրի ամբողջ բնակչության 45 տոկոսը և որը տալիս էր արդյունաբերական արտադրանքի 33 տոկոսը, իսկ գյուղատնտեսական արտադրանքի՝ 54 տոկոսը: Ստեղծված ծանր իրադրության մեջ կոմունիստական կուսակցության և սովետական կառավարության առջև ծառացան ամենածանր խնդիրներ՝ անհապաղ ռազմական հիմքերով վերակառուցել երկրի ամբողջ էկոնոմիկան, կազմակերպել զենքի արտադրությունը, անմիջապես ստեղծել զորային նոր կազմավորումներ, նրանց համալրել, զինել, հանդերձավորել, կարճ ժամանակում վերացնել քչեամու ռազմական գերակշռությունը և բեկում ստեղծել պատերազմի ընթացքի մեջ հօգուտ Սովետական Միության: Այդ խնդիրների լուծումն իրոք հանդիսացավ մի խիստ բնություն սովետական պետության ու կոմունիստական կուսակցության համար, սոցիալիստական հասարակական ու պետական կարգերի համար, բանվոր դասակարգի և գյուղացիության դա-

¹ «История КПСС, наглядное пособие», вып. 4, М., 1969, т. 6—7.

շինքի համար, սովետական ազգերի եղբայրական միության համար, կարմիր բանակի համար:

Լենինյան կուսակցությունը, որ մեր ժողովրդին հաղթական մարտերի էր տարել հեղափոխության և բաղաժանցիական կոիվների կրակների միջով, կազմակերպել ու գլխավորել էր երկրի ինդուստրացման, գյուղատնտեսության կոլեկտիվացման և կուլտուրական հեղափոխության հաղթանակները, պատերազմի ժամանակ օգտագործեց այդ նվաճումները՝ ամրոջ երկիրը ռազմական նամբար դարձնելու, բշնամուն ջախջախելու համար: Կուսակցության կենտկոմը, ՍՍՀՄ Գերագույն սովետի նախագահությունը և ժողկոմսովետը վերակառուցեցին իրենց գործունեությունը: Ստեղծվեց Պաշտպանության Պետական կոմիտե, որի ձեռքում կենտրոնացվեց ամրոջ իշխանությունը: Սովետական երկիրն ուներ անհամար նյութական և մարդկային ռեզերվներ, հնարավորություններ, պահեստային ուժեր: Խնդիրն այն էր, որ արագ կերպով մոբիլիզացվեին այդ հնարավորությունները և ի սպաս դրվեին հայրենիքի պաշտպանությանը: Այդ խնդիրները հաջող լուծվեցին սովետական հասարակական ու պետական կարգերի բնձնած հնարավորությունների և կոմունիստական կուսակցությանը ղեկավարող, կազմակերպող դերի իրականացման շնորհիվ:

1941 թ. հուլիս-դեկտեմբերին բանակ մոբիլիզացվեցին 1890—1921 թթ. ծնված զինապարտները: Այդ 6 ամիսների ընթացքում սովետական երկրում նոր կազմավորվեց 262 հրաձգային դիվիզիա, 159 հրաձգային բրիգադա, 76 տանկային բրիգադա և 100 առանձին տանկային գումարտակ²: Վերոհիշյալ բոլոր զորամիավորումները հիմնականում կազմված էին ռուս մարտիկներից ու սպաներից: Նոր կազմավորված և ռազմաճակատ ուղարկված դիվիզիաներից ու բրիգադաներից 80-ը համալրվել էին Ղազախստանի, Ուզբեկստանի, Հայաստանի, Վրաստանի, Ադրբեջանի, Տաջիկստանի, Բուրմենստանի, Կիրգիզիայի և Մերձբայրյան սովետական հանրապետությունների մարդկային և նյութատեխնիկական ռեզերվներից³: Կարմիր բանակի զինվորական խաղաղամիսներում սովորում էին 42 ազգերի ներկայացուցիչներ: Սովետական Միության հերոսների բժում կային մոտ 100 ազգերի զավակներ: Մոսկվայի պաշտպանության մարտերում, Ստալինգրադի հակառակառոտում, Կովկասի նախալքոներում, Նովոռոսիյսկի, Կերչի, Սևաստոպոլի ազատագրման համար մղված հերոսամարտերում, Մերձբայրիկայում և Ուկրաինայում հերոսական շատ էջեր գրեցին սովետական հանրապետությունների ազգային զորային կազմավորումները: Սովետական բոլոր հանրապետություններն անում էին առավելագույնը՝ սովետական զինված ուժերը համալրելու, նրանց մարտական հզորությունը բարձրացնելու, հակառակորդի բանակների բանակական զերակշռությունը վերացնելու համար:

Նույնը պետք է ասել նաև զենքի և զինամթերքի, հանդերձանքի և պարենային մթերքների արտադրանքի և ռազմահսկատի պահանջները բավարարելիս, նոյեմբերին բշնամու հարձակմանը ենթակա մարզերից երկրի արևել-

² *ՏՀՄ* Л. А. Жилин, Успехи народов СССР в достижении победы во второй мировой войне (Доклад на международном конгрессе исторических наук), М., 1970, էջ 4—5:

³ «Коммунист» (ամսագիր), 1972, № 13, էջ 81:

յան շրջանները էվակուացվեցին մինչև 10 միլիոն բնակչություն և մոտ 1500 իսառաքյալ արապական ձեռնարկություն: Հաջորդ կես տարում էվակուացված բնակչության թիվը հասավ մոտ 20 միլիոնի: Սովետական երկրի ռազմական արտադրությունը մեծ կորուստներ ունեցավ: Երև 1940 թ. ՍՍՀՄ-ում ձուլվել էր 18 միլիոն տոննա պողպատ և հանվել էր 154 միլիոն տոննա ածուխ, ապա 1942 թ.՝ 8 միլիոն տոննա պողպատ և 63 միլիոն տոննա ածուխ, 1944-ին պողպատի ձուլումը հասավ 11 միլիոն տոննայի, ածխի հանույթը՝ 99 միլիոն տոննայի⁴:

Ռազմական արտադրանքի ծավալը զգալի չափերով մեծացնելու համար մշակվեց ՍՍՀՄ ռազմական-ժողովրդատնտեսական մոբիլիզացիոն պլան, գործի դրվեցին սոցիալիստական արտադրանքային բոլոր առավելությունները, բանվոր դասակարգի, գյուղացիության, գիտատեխնիկական ինտելիգենցիայի բոլոր ուժերը: Երկրի արևելյան, քիկունային շրջաններում 1942—1945 թթ. ընթացքում կառուցվեց 10 հազարից ավելի արդյունաբերական ձեռնարկություն. ռազմական արդյունաբերության սարտադրանքը, 1941 թ. համեմատությամբ, 1944 թ. ավելացավ 5,6 անգամ⁵: Սովետական Միությունը սլափաբան տարիներին արտադրեց 136800 մարտական ինֆանտրիա (Գերմանիան իր դաշնակիցների հետ միասին՝ 78900), մոտ 102 հազար տանկ և ինֆանտրիա հրետանային սարք (Գերմանիան՝ 53800), 489900 տարբեր տիպի զենքի (Գերմանիան՝ 102100), 347900 ակամանետ (Գերմանիան՝ 6800): Սովետական ռազմական արդյունաբերության արտադրանքը տարեց-տարի ավելանում էր, իսկ ֆաշիստական բյուրոն՝ կրճատվում: Սովետական Միության ռազմական արդյունաբերության ձեռնարկությունների բանվորներն աշխատում էին ուժերի գերազույն լարումով, հայրենասիրական շահանված սոցոբվածությամբ: Ռազմական մեկնածուներին փոխարինում էին երիտասարդներն ու կանայք: Բանվոր դասակարգի հետ միասնական, միաձուլված գործում էին սոցիալիստական գյուղի աշխատավորները: 1941—1945 թթ. մթերվեց 4 միլիարդ 312 միլիոն փուր հացահատիկ (առաջին համաշխարհային պատերազմի տարիներին Ռուսաստանում մթերվել էր 1 միլիարդ 399 միլիոն փուր հացահատիկ): Սոցիալիստական գյուղատնտեսությունը, չնայած իր ունեցած վիթխարի կորուստներին, 1941—1945 թթ. արտադրեց այնքան հացահատիկ և այլ գյուղատնտեսական մթերքներ, որոնք պետության ունեցած ձեռքերի հետ միասին ապահովեցին բանակի և քիկունի բոլոր պահանջները:

Պատերազմի տարիներին ֆաշիստական Գերմանիայում և հրա դաշնակից երկրներում հետզհետե ավելի ու ավելի էին սրվում դասակարգային հակառակությունները, սոցիալիզմի հարաբերությունները, սոցիալական անտագոնիզմը. Հիտլերյան «նոր կարգը» թեև հաստատել էր սպանությունների, դաժան տնտեսի և բռնությունների ռեժիմ, բայց ֆաշիստական բանակի քիկունում ծավալվում էր դիմադրական շարժումը: Օկուպացված երկրների հայրենասերները զենքի ձեռքներին պայքարում էին ֆաշիստների դեմ: ՍՍՀՄ օկուպացված շրջաններում բուրբոնվում էր պարտիզանական պատերազմը: Դրությունը կա-

⁴ Տե՛ս П. Н. Поспелов, Исторические итоги и уроки Великой отечественной войны, М., 1965, էջ 17—18:

⁵ «История КПСС», М., 1974, էջ 494:

յուն չէր նաև բուն Գերմանիայում. իրենի՝ գերմանացի պատմաբանները հրապարակել են շատ նյութեր այն մասին, թե ինչպես գերմանական բանվոր դասակարգի հիմնական ուժերը «տոտալ մոբիլիզացիայի» միջոցով ուղարկվել էին ռազմաճակատ, իսկ երկրի արդյունաբերության մեջ հարկադիր աշխատանքի էին հշել մոտ 14 միլիոն օտարերկրացի բանվորների, ռազմագերիների ու բանտարկյալների, ըստ որում, օտարերկրացիների 40 տոկոսը սովետական մարդիկ էին, 25 տոկոսը՝ ֆրանսիացիներ, 15 տոկոսը՝ լեհեր և այլն⁶։ Գերմանացի գիտնականները հաստատել են, որ այդ բանվորների ցույց տված մասսայական դիմադրությունը սովորական երևույթ է եղել։ Այսպես, միայն 1944 թ. հունվարին արտադրությունը լքել և գաղտնի փախուստի է դիմել 40 հազար բանվոր։ Հաջորդ ամիսներին դասալիությունը հասել է ավելի մեծ չափերի։ Ինքնուրույն հազարավոր դատարաններ, որոնք պատժում էին արտադրությունը լքողներին, սակայն ապարդյուն. ֆաշիստական տեղերը չէր ապահովում ռազմական արտադրանքի պահանջները։

Սովետական բանակի մղած պաշտպանական մարտերի ժամանակ՝ Ռեեստի ամրոցում և Օդեսայում, Սմոլենսկի շրջանում և Կիևում, Սևաստոպոլում և Կերչում, Լենինգրադում և Կիևում, Մոսկվայի համար մղված մեծ ճակատամարտում չափափակեցին գերմանա-ֆաշիստական բանակի բնօրինակի զինվորները։ Չափողվեցին թշնամու ռազմա-ստրատեգիական ծրագրերը։ Ստալինգրադի ճակատամարտի օրերին սովետական ժողովուրդը թշնամու մեկ միլիոն 11 հազար զինվորի դիմաց կենտրոնացրեց կարմիր բանակի մեկ միլիոնից ավելի զինվոր, 675 տանկի դիմաց նետեց 894 տանկ, 1290 հրանոթի և ականանետի դիմաց՝ 13547 հրանոթ և ականանետ, 1216 մարտական ինֆանտրիի դիմաց՝ 1115 ինֆանտրի։ Կես տարի հետո, Կուրսկի մեծ ճակատամարտի ժամանակ Օդյի շրջանում գերմանա-ֆաշիստական 600 հազար զինվորի ու սպայի դիմաց կարմիր բանակը մարտի մեջ մտցրեց 1 միլիոն 286 հազար զինվոր ու սպա, 7 հազար հրանոթի և ականանետի դիմաց՝ 21 հազար հրանոթ և ականանետ, 1200 տանկի և ինֆանտրիայի սարքի դիմաց՝ 2400 տանկ և ինֆանտրիայի սարք, 1000 մարտական ինֆանտրիի դիմաց՝ 1300 մարտական ինֆանտրի⁷։

Ստալինգրադի և Կուրսկի ճակատամարտերը արմատական շրջադարձ հանդիսացան պատերազմի ընթացքում։ Սովետական բանակը իսկապես ֆաշիստական բանակի հզորությունը։ Հիտլերի և նրա դաշնակիցների չափափակած հույսերը վտարվեցին սովետական երկրից, նրա սկզբնական սահմանները լիովին վերականգնվեցին։ Ազատագրելով սոցիալիստական հայրենիքը, սովետական զինված ուժերը ավարտված չհամարեցին իրենց պատմական խնդիրը։ Կոմունիստական կուսակցությունը և սովետական կառավարությունը մարտական առաջադրանք տվեցին սովետական զինված ուժերին՝ շարունակել ֆաշիստական զավթիչների հետապնդումն ու լիակատար չափա-

6 Տե՛ս К. Дробниш, Д. Айххольтц. Использование принудительного труда иностранных рабочих в Германии во время второй мировой войны (доклад на международном конгрессе исторических наук), М., 1970, էջ 13։

7 Համեմատական տվյալները բերվում են ըստ ՍՍՀՄ Մինիստրների սովետին կից բարենդագրության և գեոդեզիայի գլխավոր վարչության հրատարակած «Сталинградская битва» և «Курская битва» (М., 1973) բարտեղ-սխեմաների։

խումբ, օգնություն ցույց տալ հիտլերյան օկուպանտների լծի տակ հեծող եվրոպական ժողովուրդներին:

Սովետական բանակը կատարեց իր այդ առաքելությունը ևս: Մարտերը փոխադրվեցին Քեոլինի շրջանը, որը պաշտպանելու համար գործում էին մեկ միլիոն զինվոր, 10400 հրանոթ և ականանետ, 1500 տանկ, 3300 մարտական ինֆնաքիո: Քեոլինը գրավելու համար մղված մարտերին մասնակցում էին սովետական 2,5 միլիոն զինվոր՝ 41 հազար հրանոթով և ականանետով, 6250 տանկով և ինֆնազնաց հրետանային սարքերով, 7500 մարտական ինֆնաքիո⁸: Քեոլինում տեղի ունեցած հաղթական նակատամարտում գերմանական իմպերիալիզմի բանակը ոչնչացվեց: Հիտլերյան ֆաշիստական պետությունը 1945 թ. մայիսի 8-ին կապիտուլյացիայի ենթարկվեց: Սովետական զինվորը հաղթանակի դրոշ բարձրացրեց Ռայխստագի վրա: Մայիսի 9-ը մտավ պատմության մեջ որպես Հաղթանակի օր:

Սովետական բանակը կարևոր ժամանակամիջոցում պարտության մատնեց հասն նապոնական իմպերիալիզմին՝ Սովետական Միության և Ասիայի բոլոր ժողովուրդների այդ ջիւղերի մը ընթացում, ոչնչացրեց հրա կլանողության բանակը: Լիկվիդացվեց հաս պատերազմի սրկելյան օջախը:

Ֆաշիզմի դեմ մղած իր բառամյա հերոսական պայքարում սովետական ժողովուրդը մենակ չէր: Հիտլերյան Գերմանիայի և նրա սատելիտների դեմ համախմբվեց հակահիտլերյան կուլիցիան, որի մեջ մտնող երկրների համագործակցությունը հսկայական բաղաժանան, ռազմա-ստրատեգիական և բարոյական ազդեցություն ունեցավ պատերազմի ընթացքի վրա: Ամերիկայի Միացյալ Նահանգները և Անգլիան դաշնակցային պարտավորություններով զգալի օգնություն ցույց տվեցին Սովետական Միությանը՝ տրամադրելով մեքենաներ, սարքավորում, զենքի և հանդերձանքի որոշ տեսակներ: 1944 թ. հուլիսին անգլո-ամերիկյան զինված ուժերը գետնու հանեցին հյուսիսային Ջրանսիայում և բացեցին երկրորդ ռազմաճակատը ընդդեմ ֆաշիստական Գերմանիայի. հաղթանակով հիտլերյան բանակներին պատերազմ մղել հասն սրկմության հակառու: Սակայն պատերազմի սկզբից մինչև հաղթանակի օրը սովետական բանակը էր հանդիսանում այն վիճական ուժը, որ պարտության մատնեց գերմանական իմպերիալիզմի զինված հորդաններին: Սովետական ռազմաճակատում կարմիր բանակը ոչնչացրեց հիտլերյան 507 դիվիզիա և Գերմանիայի դաշնակիցների մոտ 100 դիվիզիա, մինչդեռ դաշնակիցների բանակների դեմ մղած մարտերում գերմանական բանակը կորցրեց ընդամենը 176 դիվիզիա: Ֆաշիստական Գերմանիայի զինված ուժերը ունեցան 13,6 միլիոն մարդկային կորուստ, որից 10 միլիոնը սովետա-գերմանական ռազմաճակատում⁹: Պատմության էջերում գրված են ԱՄՆ-ի պրեզիդենտ Ֆ. Ռուզվելտի խոսքերն այն մասին, որ Ստալինգրադի պաշտպաններն իրենց ոգու տոկունությամբ, ինֆնազնությամբ և փառապանքով «հավերժ կոզեչնչեն բոլոր ազատասեր մարդկանց սրտերը», որ «նրանց փառապանքը հաղ-

⁸ «Великая отечественная война Советского Союза 1941—1945. Краткая история», М., 1965, էջ 484, 487:

⁹ П. Н. Федосеев, Всемирно-историческое значение победы советского народа в Великой отечественной войне, М., 1971, էջ 546:

բանակը կանգնեցրեց արշավանքի այիֆր և դարձավ շրջադարձային կեսդաշնակից ազգերի պատերազմում բեղդեմ ագրեսիայի ուժերի»¹⁰:

Հայրենական մեծ պատերազմում սովետական ժողովրդի հաղթանակը պատմական մեծ նշանակություն ունեցավ մեր սոցիալիստական հայրենիքի հետագա զարգացման, ինչպես նաև ամբողջ աշխարհի ժողովուրդների համաշխարհային պատմության բնթացքի վրա: Նա ցույց տվեց սովետական սոցիալիստական հասարակարգի անպարտելի ուժը և կենսունակությունը:

Անդրադառնալով մեծ հաղթանակի միջազգային նշանակությանը, անհրաժեշտ է բնորոշել, որ Սովետական Միության զինված ուժերը, պաշտպանելով Հոկտեմբերյան սոցիալիստական մեծ հեղափոխությունից հետո մեր երկրի ձեռք բերած մեծագույն նվաճումները, միաժամանակ վնասակար դեր կատարեցին Լեհաստանի, Չեխոսլովակիայի, Ռումինիայի, Բուլղարիայի, Հունգարիայի, Հարավսլավիայի, Ալբանիայի, Ավստրիայի, Նորվեգիայի, Չինաստանի, Կորեայի ժողովուրդներին օկուպացիոն ուժի միջ ազատագրելու գործում: Սովետական Միության սահմանների մոտ բուրժուական պետությունների փոխարեն ձևավորվեցին սոցիալիստական պետություններ: Մինչև պատերազմը աշխարհում միակ սոցիալիստական երկրի կապիտալիստական շրջապատը նեղվեց, ստեղծվեց սոցիալիստական լագեր, սոցիալիզմի համաշխարհային սիստեմ: Սովետական ժողովրդի հեղափոխական-վերափոխիչ գործունեության շնորհիվ մեր երկրում սոցիալիզմի հաղթանակը դարձավ վերջնական ու անդադնալի: Սա է Հայրենական մեծ պատերազմի հաղթանակի գլխավոր հանրագումարներից մեկը:

Սովետական Միության հաղթանակը կարևոր պատմական նշանակություն ունեցավ նաև մեր երկրի բազմազգ ժողովուրդների բարեկամության, նրանց մարտական համագործակցության տեսակետից: Սովետական Միության ավելի քան 100 ազգերն ու ազգությունները դիմացան պատերազմի դաժան փորձություններին, հավատարիմ մնացին սովետական բեղմնավոր հայրենիքին և ժողովուրդների եղբայրության ուխտին: Սովետական երկրի բոլոր ազգերն ու ազգությունները, համախմբված ուսման մեծ ժողովրդի շուրջը, նրա հետ մարտական համագործակցությամբ ռազմաճակատում և քիկումում կատարեցին աննախընթաց սխրագործություններ, իրենց արժանի ավանդը ներդրեցին ֆաշիզմի ջախջախման պայքարում: Հայրենական մեծ պատերազմի հակառակորդ մղված պայքարում աչքի բնկնելու համար կառավարական շահանքների արժանացան 5 միլիոն 300 հազար մարդ, իսկ մեղավորների՝ 7 միլիոն 580 հազար մարդ: Սովետական Միության հերոսի կոչում շնորհվեց 11 հազար 500 մարդու, որոնց շարքում կային ռուսներ, ուկրաինացիներ, բելոռուսներ, քաբարներ, հրեաներ, հայեր, ղազախներ, վրացիներ, ուզբեկներ, մոլդավներ, չուվաշներ, ադրբեջանցիներ, բաշկիրներ, օսեր, բուրմններ, լիտվացիներ, տաջիկներ, կիրգիզներ, լատիշներ, էստոնացիներ, կարելներ, կալմիկներ, ալիգուլցիներ, կարադիներ, արխաղներ, մոլդավացիներ, յակուտներ, տուվացիներ և այլն: Բազմազգ էր նաև շահանքներով ու մեղավորներով պարզատրվածների կազմը, սովետական տարբեր ժողովուրդների ներկայացուցիչներից էին նաև մեր անվանի գորապետներն ու ֆաղաշխատողները: Ճիշտ նույն

¹⁰ «Правда», 16 հոկտեմբերի, 1967:

ձևով էլ սովետական բոլոր ազգերն իրենց մասնակցությունն ունեցան կարմիր բանակին զենք ու ռազմամթերք, հանդերձանք ու զինամթերք մատակարարելու գործում:

Հանելի է ընդգծել այն իրողությունը, որ հայ ժողովուրդը, որ շատ է տեսել պատերազմ և գաղթ, զենոցիղ և կողոպուտ, ունենալով մարդկային և նյութական անհամար կորուստներ, 1941 թ. հունիսի 22-ից ոտքի կանգնեց և արտահայտեց իր վնասված կամքը՝ մինչև վերջ հավատարիմ լինել սովետական ժողովուրդների եղբայրության դաշինքին: Կես միլիոն հայ զինվոր¹¹ մտավ սովետական բանակի շարքերը: ՍՄԿԿ Կենտկոմը և ՍՍՀՄ կառավարությունը գնահատելով հայ ժողովրդի ունեցած մասնակցությունը մեծ հաղթանակը նվաճելու գործում, 1945 թ. հշել էն. «Հայրենական մեծ պատերազմի տարիներին հայ ժողովուրդը պատվով կատարեց իր պարտքը Հայրենիքի հանդեպ: Հայ ռազմիկները Սովետական Միության մյուս ժողովուրդների զավակների հետ միասին անձնվիրաբար պաշտպանում էին մեր հայրենիքի ազատությունն ու անկախությունը: Հայաստանի բանվորները, կոլտնտեսականները և ինտելիգենցիան անդուլ կերպով աշխատում էին թշնամու դեմ հաղթանակ նվաճելու համար»¹²:

Հայ ժողովրդի ինտերնացիոնալիստական և սովետական հայրենասիրական դիմագծի մասին խոսելով, ՍՄԿԿ Կենտկոմի գլխավոր ֆարտուղար Լ. Ի. Բրեժնևը տվել է հետևյալ բնութագիրը. «Ինձ վիճակվեց Հայրենական մեծ պատերազմի օրերին նանաչել մեր սովետական հայրենիքին, սոցիալիզմի ու կոմունիզմի գործին անսահմանորեն նվիրված հայ ժողովրդի բազում ֆաշադի, խիզախ զավակներին: Նրանք մարտիկներ էին, սպաներ, զենեհայներ, մսուրական բարեկամությունը առանձնահատուկ բարեկամություն է: Դա հնարավորություն էր ընձեռում կարճ ժամանակամիջոցում նանաչել մարդու հոգին: Եվ այն ժամանակ, դաժան հակառակակողմերի օրերին ես նանաչեցի հայ ժողովրդի սփռված հոգին»¹³:

Պատմական մեծ հաղթանակի օրերից անցել է 30 տարի: Սովետական երկիրը անշեղ կերպով առաջ է ընթանում կոմունիստական շինարարության ուղիով, պայքար մղելով սոցիալիզմի, դեմոկրատիայի և խաղաղության համար: Սովետական Միության լենինյան արտաքին ֆաղափականությունը լայն աշակցություն է ստանում աշխարհի բոլոր ազատասեր ուժերի կողմից: Աշխարհի ֆաղափական ուժերի հաղթանակցությունը ավելի ու ավելի է փոխվում հոգուտ սոցիալիզմի: Ավելի են ամրապնդվում Սովետական Միության միջազգային դիրքերը:

Սովետական մարդիկ, որ այդքան արյուն քափեցին հաղթանակի համար և այդքան նյութական զոհողություններ կրեցին, հաշվի են առնում միջազգային կյանքում կատարվող իրադարձությունները և անում են ամեն ինչ, որպեսզի օրստօրե ամրապնդվեն կոմունիստական հասարակարգ կառուցող Սովետական Միությունը և սոցիալիզմի ողջ լագերը:

¹¹ Տե՛ս «Սովետական Հայաստանի 50 տարին», Երևան, 1972, էջ 53:

¹² «Правда», 25 նոյեմբերի, 1945:

¹³ Լ. Ի. Բրեժնև, Սովետական Հայաստանի 50 տարին, Երևան, 1970, էջ 53—54: